



Broj: 04-40-1-136/26  
Sarajevo, 17.05.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

### **REDOVNI IZVJEŠTAJ** za period od 08:30 sati 16.05.2026. do 08:30 sati 17.05.2026. godine

U izvještajnom periodu Kantonalni operativni centar civilne zaštite zaprimio je jednu informaciju o pronalasku NUS-a i to dana, 16.05.2026. godine u 11:02 sata, od Policijske stanice Stari Grad, da je u ulici 10. Brdske brigade br.39., pronađen jedan NUS.

O primljenoj informaciji obavješteni su pripadnici Tima za UES Federalne uprave civilne zaštite, koji su navedeno neeksplozirano ubojno sredstvo uklonili isti dan.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 10 intervencija: dvije na gašenju zapaljenog otpada na otvorenom prostoru i osam obezbjeđenja (sedam na Međunarodnom aerodromu Sarajevo i jedno sportskog događaja).

**Općinski operativni centar civilne zaštite Stari Grad:** U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja dana, 16.05.2026. godine izvršili su obilazak i osmatranje terena na lokalitetima Curine njive, Knjeginjac i Bistrički potok.

Na klizištu Curine njive prilikom redovnog obilaska lokaliteta klizišta, izvršenim vizuelnim pregledom utvrđeno je da se i dalje izvode radovi na krčenju šume u svrhu pripreme terena za sanaciju klizišta. Na terenu nisu uočene nove veće pukotine. U donjem dijelu klizišta i dalje je prisutna blaga, kontinuirana erozija, uz pojave osipanja i slijeganja tla, te je uočeno nešto veće prisustvo vlage u tlu posebno na području ispod igrališta i na završnom dijelu drenažnog kanala. Na lokalitetu Knjeginjac stanje

je bez značajnih promjena u odnosu na prethodni dan. Primjetno da je vlažnost tla nešto veća, dok je u gornjem dijelu i dalje prisutno blago slijeganje. U donjoj zoni evidentan je kontinuiran nešto jači protok vode prema klizištu. Također, nisu uočena nova odlaganja zemljanog niti drugog materijala. Na lokalitetu Bistričkog potoka nisu uočene nove degradacije, niti su poduzete aktivnosti na uklanjanju postojećih prepreka. U odnosu na predhodni dan, stanje bez većih promjena. Protok vode odvija se nesmetano sa nešto jačim intenzitetom. U gornjem dijelu iznad mosta na području Istočni Stari Grad i dalje je prisutno obrušeno kamenje i oborena stabla, što može uticati na protočnost u slučaju povećanog vodostaja.

**Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih rdova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave iznosila je 7°C, vlažnost zraka 99%, barometarski pritisak 935,3 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

**Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH,** gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a